

趙尊嶽輯

下

明詞彙刊

上海古籍出版社







趙尊嶽
輯

明

詞



刊

下

上海古籍出版社



內臺詞

溪廬詞王楚梅 子衡

瑞龍吟七夕

秋宵好又是銀漢澄波金風灑順隔年幾許相思而今贏得佳期重到 情如擣漫自書傳青鳳香分瑤草幾曾蓄怨含嚬少沾塵猥自傷窈窕 天上人間相慶已看靈駕龍鸞迎導更有鵲羽乘流飛梁天造逢郎片鱗莫道成虛調猶勝似嫦娥孤處年年縈抱悔竊靈丹早分明一水橫天繞彼岸空凝眺誰把此情向玉皇哀禱使潢流盡涸變成乾道

如夢令

恨殺攪天風雨斷送一林花樹黃鳥不關情閒坐綠楊深處愁緒愁緒無計與花作主

少年遊

倉庚呼友杜鵑啼恨攪亂小窗閒翠篠吟風紫葵迎日幽事頗相關 秋風吹冷蒹葭水時見塞鴻還草草虛名疏疏蓬鬢何日到青山

憶秦娥

清明迫流鶯曉遍長楊陌長楊陌萬花依舊去年紅白 香車寶馬僊遊客滿天風雨看花隔看花隔不

堪回首惱人春色

如夢令

風外花枝嫋嫋閒上玉樓高眺來日是清明處處秋千熟鬧說道說道燕子來時春好

薦山谿九日

燒林紅葉又是一年秋晚處處有黃花香滿樓臺庭院請君及早開宴倘風雲不作好偶然變可惜花殘亂 當時陶令醉倒東籬畔有客請先歸問此事而今誰管西風休落帽去鬢絲絲今年比前年短可負茱萸盞

長相思

梨花香李花香江燕來時春晝長王孫草又芳 夢瀟湘憶瀟湘雲水悠悠天一方雁回人斷腸

摸魚兒秋懷

月模糊層陰將雨盡是惱人天氣瑤琴倚閣無情理聽徹井梧葉墜風細細更那堪寒蛩唧唧重門閉歲光飛逝不見玉書來素髮無多能禁幾情帶 傷心事特地把人縈繫卻嫌萍梗身世秋來旅雁驚嘹唳魂斷碧雲天際人未會但滄水茫茫空與煙迢遞一場風雨悽惻夢瀟湘人在天涯何由寄蘅蕙

無俗念和桂洲

擺脫繁華成澹寂誰識天人豪傑縱令金屋坐王侯
總是肖翹生滅虎豹當關蛟龍競窟事變無時歇何
苦橫風黑海孤舟浪涉年來省識真訣無何境界
別有閒風月十二樓臺三千蓬島好補神僊員缺金
碧靈文丹已祕旨莫向人閒說握手王喬遊遍玄洲
闕闕

滿江紅懷賀水部有序 賀僊名充石晉時爲

水部員外郎宋眞宗東封僊乃布衣巾幘謁
於道左帝不見異而去因求之不獲熙寧中

丙

三

蘇長公爲密州僊亦道旁謁之亦以不甚禮
而去豈皆淺於緣者邪往時予不信此近見
朝邑劉太守偉沒已數十年往往行遊人閒
與故舊相見則知水部之事不爲虛傳但學
道者必得異人親爲指授而後有成雖上智
之士了了穎悟使無口傳終歸於不能耳故
作此詞以寄興亦以示學者不可苦講丹書
以勞費心力但能積行累仁則異人自然來
顧不然徒爲丹經之一蠹矣

大道希夷非指授可誰能得懷至寶同塵渾俗有何

形色東坡居士浪相逢道君皇帝無絲識想先生隨
世御風霆天南北 千料想終惶惑一點化成奇特
況古來儘有神交夢覲弱水三千須接引洞天七十
難尋覓倘相憐容使下風求當箇箇

滿庭芳重五

紅藥香殘榴英葵朵早時庭院風光彼都人士相逐
競年芳不喜釵符艾鈿喜時與雕虎珠囊節物有觴
蒲解纓清宴啟華堂 何須纏綵索蛟龍愛客肯作
猖狂枉勞心弔古無限思量惆悵靈均何處空目斷
雲水瀟湘傷心事古今難辨有淚忽沾裳

丙

四

水龍吟詠蓮

恩恩桃李飛殘橫塘漸覺風光好南薰吹醒幾多生
意藕花開早吳苑魂銷秦臺人去有誰窺窺似瀛洲
僊子凌波微步臨鏡髻鬟低照 暗想當時造次直
如今尙縈懷抱往事堪憐蘭舟輕泛蓮歌清悄夢繞
江南迢迢煙水幾時曾到恐人在天涯無憑問訊白
地又生煩惱

燭影搖紅元宵

良夜迢迢鳳城十二蟾華吐更憐人世太平時佳節
逢三五處處珠樓洞府有天上霓裳羯鼓王孫公子

寶馬雕輿往來如雨 好景堪憐帝京樂事尤難覩
鼇山千丈引飛虹火樹成花霧雲裏鐙毬無數恐神
僊來遊下土請君歸早防備麻姑渾將人去

花犯夏景

幾何時清和氣候恩恩便炎暑洞簫雲管延客倒金
尊佳會嬌舉雕闌花盡無心倚畫簾垂翠地更不管
遊絲飛絮纏繞天涯去 西園驚燕笑東君減興日
喃喃相對私語苦東帶攀窈窕犯高人風致有欠簾藤
牀供睡愛翳日垂楊濃蘸水陰轉午斜陽透影再揀
清涼處

內

疏簾澹月秋意

一林紅葉無力撼驚風與朝霞散搖落年華朱玉又
生悲怨小樓悄悄闌干倚最浮雲不堪情戀玉書難
寄海天空曠夢迷人遠 歎霜鬢年來較短□□旅
中秋不禁登玩只見青山誰見古時人面鄉心渺渺
隨流水更不待商歌魂斷新愁頓起半窗冥雨一聲
歸雁

白苧贈人至葉

萬雲深幾曾到玄洲杳杳相逢異土傳得靈書分曉
道瑤英絳液非難造若問取機關全不假九還要眇

纔結雪瑤池又解化欠丸玉沼黃中通理留與人閒
卻老從赤松子遊諒此緣非小 須寶生煙玉質駐
彩金華上清神物不比閒花浪草到處有祥光持護
圍繞君休淺視待他龍變化性靈飛矯轉見神功照
世韶容再還翁媼卻恐先生不與他人道

賀新郎春意

內

六

小閣延春早近清明池塘溫暝又生芳草飛過流鶯
何時到添得垂楊偏好碧檻裏天紅裊裊珍重東君
常愛護夜來風帶雨無分曉花落去知多少 蓬洲
望斷無情島水連天浮查□影路長人渺何許春風
吹玉樹誰寄瑤華翠葆但坐對虛窗清悄天上樓臺
無人到夢醒時尙覺飛鸞繞回望眼眾山小

眼兒嬌

殷勤鶯燕促花開佳景滿樓臺垂楊媚眼海棠含笑
齊送春來 心頭有事須拋卻延客勸深杯醉來更
把紫簫吹月畫角唸梅

蝶戀花

鸚鵡攪人春夢醒曉雨初收花弄紅綃影宮樣寶妝
渾洗淨多情卻怪臙脂冷 海燕雙飛簾戶靜春色
魔人舊恨空重省不恨落花紅滿徑玉樓人去厭厭

病

前調

花裊簾櫳春似綺
午睡醒時簾卷香風細
庭院人閒
朱戶閉
瓊窗惟聽黃鸝語
花枝欲淨廉纖雨
雨橫風狂花被飄零去
春到美人饒意緒
不堪春色隨流水

虞美人

小園過卻清明了
日日聞啼鳥
一番春夢繞天涯
可惜雲昏迷路不知家
戀頭白髮如知己
年去隨流水
王侯富貴總銷沉
何苦做車罷馬日勞心

內

七

賀新郎 讀楊太真傳

飛詔頻催取似嫦娥廣寒初降
姣然媚嫵傳賜合歡
玉條脫親插步搖繁露莫更道
翠鬟雲縷七寶臺前
香玉樹底須誇掌上輕盈舞
霓裳調掩千古
洗兒不怪金錢誤
忽惹起漁陽兵
馬震天
鼙鼓西幸六軍不進步
竟作馬鬼塵土
又誰信早生天府
傳得當年七夕事
使君王妄想來生路
又何限兩情苦

念奴嬌 張學士仰宸樓

倚空樓閣對陽峰
崢嶸楚天寥泐
萬卷圖書煙靄上
日抱幽人清節
雲夢微茫洞庭空闊
勝概何時歇等

閒瞻望瑞雲繚繞金闕
一自人去滄洲龍翔鳳翥
有彌綸功業勸講從容
常補袞致主分明夔契紫閣
承華玉階清步翰苑唵風月
莫輕回首九重眷顧方切

菩薩蠻 夏夜

霞收門巷蕭蕭晚
柳外蟬聲清不斷
獨坐卷簾時
幽心祇自知
何處生輕暑
簌簌風搖樹
斜月上橫窗
驚禽飛去雙

洞仙歌 寄林茂易

當年草草奉清塵
無幾回首
僊標杳瀛渺
夢尋君飛繞九極虛空
神蕩颺何曾凌風萬里
相思多意緒
好景憐人欲把春華訊
天際春去已多時
草碧成茵
燕生子亂紅流水待付託
青鸞送書來又只怕遲回誤人心事

內

八

瀟湘逢故人 慢夏意

庭階過雨看荷盤
疊翠榴火燒丹芳景稱人閒
有欠繁風
筵透箔生寒樓臺側畔
更陰陰碧樹雕闌清坐
久燕鶯飛盡
惟餘風篠珊珊
堪憐處
瓊窗清雅正滿前許多幽事
相關且散髮怡顏
況吏罷呈書
朝散鳴環
蓬壺夢覺可隨意說與人閒
見無數靈山玉島

僊娥冉冉乘鸞

風入松春感

盈盈花柳繞滄洲乘興日登樓從教花落垂楊暗不妨門巷清幽最好呢喃燕子爲人說破春愁年華滾滾水東流及早要知休王侯鍾鼎須臾事歸來紅葉都秋莫更從人問字直須酒醒扶頭

前調秋晚

秋風瑟瑟送年華搖落總堪嗟登高不盡茱萸盞分明孤負黃花休恨山長水闊不妨夢裏還家江湖日日老兼葭歸雁滿平沙浮雲遮斷來時路路迷難

內

九

問仙艇空采蘅香滿袖憑誰寄向天涯

前調懷舊

小樓飛翠裊垂楊鶯語畫初長一番花雨清人意闌干倚遍斜陽海上素書難料望窮煙靄微茫美人遙在水雲鄉舊思耿難忘夢魂冉冉遊絲引與誰同渡瀟湘日暮碧雲天際覺來無限思量

鷓鴣山谿

澹陰輕暎何許春光媚碧草滿階生漸青到池塘深處煙籠綺陌日日潤垂楊風如狂雨如注妒殺花無主貴家臺館雲擁如天府十二列金釵處處有分

香玉女筵開玳瑁選勝恣遊盤驚見歌燕兒舞擾得春歸去

長相思秋思

雲悠悠水悠悠何處書傳瑤草秋佳人天際頭白楊洲綠楊洲風雨瀟瀟鴻夜愁夢回人倚樓

水調歌頭奉和夏桂洲談玄

古僊留火記妙在識玄關本自工夫簡易牝牡各相安休認枯禪白坐不是三黃八石異類肯來還直從一竅裏透出紫金丹月生魂潮海淨水枯殘此候新陽覺動急采莫教閒偃月鑪中真氣玉女峰頭神

內

十

火烹煉不偏寒陰符蟬蛻盡矯羽入蓬山

前調和答桂洲夏公論詩

玉皇香案吏淪謫下天關卻佐太平天子國祚萬方安補袞眞成夔契論道分明周召盛代運交還青雲迎鬢綠白日照心丹請無憂王制歇古經殘禮樂親勞制作詩賦等餘閒思致上侔秦漢格調直侵風雅氣觸斗牛寒斯文宗巨手喬嶽領羣山

前調奉和夏桂洲論學

六經垂大訓千古治攸關要在禮行分定民物總歸安慨自山頽木萎生有異端邪說波蕩不知還修身

兼濟物此是聖門丹 講虛空述訓詁總脫殘大道
何曾裨補徒使語成閒若究本來真性出自氣元種
子火熱水終寒支離今日甚無處扣尼山

卜算子

天際有輕陰落日深深暮琴罷中林草閣閒鶯鶯頻
來去 不見素書回往事難成遇露冷梧桐金井秋
誰識幽人處

惜餘春慢 詠秋鶯

記得來時花明柳綠正值春風初軟揀盡高枝如矜
似妒獨占龍池鳳苑布穀催耕杜鵑思國白地路迷
魂斷一任他鼓弄笙竽恣意綿蠻睨睨 幾何時露
冷遙空霜清九野上林芳減喚友言歸故山何在一
望水遙天遠十二樓臺不堪重倚回首風煙誰管只
留得蔓草萋萋迷浮雲昏慘

過秦樓 金陵春興

白露洲邊青谿渡口分得江南春早澹抹煙輕浮烘
雲暝處處又生芳草更有燕舞迎人鶯歌如妓酒帘
高挑待清明時候花濃柳豔尋春尤好 想往代王
謝風流齊梁富貴都付漁樵閒道自敗鴻蒙幾迴生
滅誰似江山不老虎豹當關時宜遜避莫漫強生煩

惱勸英雄趁取佳辰且開懷抱

青玉案 憶舊

秋來豔豔蘅香吐欲寄遠思千縷佳期縱有天然數
美人何處情事難遙覩 而今不怕驚鴻苦怕鳳凰
池上風和雨往日思量空意緒憑高一望萬重雲樹
遮斷瀟湘浦

如夢令

一夜雨聲徹曉添得陰寒怪峭可惜海棠花零落
脂太早休惱休惱眼下牡丹開到

摸魚兒

晝沉沉花陰停午滿前春意舒展看花卻被花相惱
惹得興乖心嬾簾不卷忽春睡朦朧催赴蓬洲宴地
遙天遠誰識玉宸君露淒風冷直上廣寒殿 想塵
世何許雲泥懸緬幾人曾到仙苑分明乞與飛龍引
不比竹枝團扇深想戀更暗授靈書吹遍昭華管流
鶯睨曉響過綠楊園遊絲縹緲不覺夢魂斷

蝶戀花 寄郭介夫

雲澹雨疏寒食早春到人閒何處無芳草遊遍西園
復東道漫誇蓬海三千島 早遂山人自好只恐
青山不與人同老門巷春閒塵事少可令白髮生煩

惱

蘭陵王詠懷

驚袍曳更有法冠似鐵平生苦羸馬青衫走遍天涯
萬千折媿無能補闕託賴聖明光烈而今正海宴河
清黎庶熙熙遂生業流年電似掣忽面渥銷丹鬢
黃垂雪雲臺麟閣真殊絕榮華終漸盡天馬呼風游
龍行雨漫情切好將神用歇須決請回首看滄海
鯨波曾幾消滅青山日日生薇蕨好拂袂歸去莫憑
蒼櫟從來世重賢軌成就在晚節

蝶戀花江上作

內

三

雨足槐陰濃不透楊柳青青鶯燕忙時候江上人家
多戶牖春風處處還依舊白髮無媒今到手人世
茫茫蓬島皆虛謬心事難酬如病酒雲山萬疊空回
首

浪淘沙探春

青帝送春來先上樓臺紫荊花發海棠開縱是薜蘿
牆上草生意徘徊雲暝護江隈物候相催鶯鷺鶻
鴝鴒一時迴詞客探春新賦就筆底風雷

菩薩蠻春意

花壓闌干青杏小烏嚙月墮疏窗曉何處有鳴絃遙

從風外傳愁來難遽遣愁近天涯遠夢過衡陽
遊絲千丈長

前調旅行

南來北去空碌碌蝸角名場日趁逐海上有三山幾
人能駐顏匹馬秋風陌落日獨行客客思浩無邊
空林響杜鵑

蘇軾遊睡思

日遲遲風澹澹楊柳陰濃忽聽流鶯轉正值畫長人
意倦午睡撩人不覺揮琴嬾瑤窗幽春夢淺野水
斜陽何處堪遊衍意緒幾何容易辨說與無情只作

內

古

閒愁怨

滿江紅送林判官之泰州

物阜人和大要在生全提挈況斥海彫荒赤子尤堪
悲咽根莠敗田當易治牛羊求牧須肥茁問前賢唾
手取功名非空說尙書齋門闕閱三山秀人豪傑
信家傳自有文章風節翔鳳瑞時神彩見游龍潤世
甘霖洩看從今異政起翡翠聲彌金闕

夜飛鵲中秋不見月

如何今夜月不與人同雲縹緲霧濛濛玉蟾何處流
清影教人暗理絲桐臨池可誰相伴有莎雞吟草螢

火翻風天不管嫦娥應下水晶宮 屏翳空云神力
秋滾滾頑陰貪護飛龍可惜經年一度清尊皓魄各
自西東且須妙舞清歌借取燭花紅待來年此夕玉
樓瑤苑再約相逢

渡江雲

一番新雨過海榴庭院無數亂紅飛小樓簾不卷石
枕藤牀午睡半醒時斑鳩杜宇似共說遊客當歸忽
地裏悄然飛去又恐被人知 休疑紫芝無價白髮
難醫看滄溟渺瀰恐任公熬竿千丈枉用心機麟臺
鳳閣今何在總寒煙衰草萋迷君莫誤谿山雲水佳

內

五

期

倦尋芳慢

堪嗟世態一任雕鑽誰辨優劣闊步貞修空歎古來
豪傑淨洗鉛華真率見鑿開混沌天然歇萬塵中看
鼠肝蟲臂零星騷屑 莫擬想幹旋造化呼吸風雷
垂勳朝列受用無何早已電光銷滅抱甕丈人羞計
巧焚魚學士稱明哲好畚量取知幾時措天人風節

長相思

杜鵑啼似相疑苦憶青山未便歸惟應明月知 塞
鴻飛玉書遲悶對江湖搖落時西風冷釣磯

前調

水盈盈一池萍夏木陰陰雙鳥鳴塵囂清不清 泉
冷冷玉琴聲簾戶無人花作朋道心生不生

虞美人 寄張元倬

燕引雛飛鶯語困花落紅成陣晚來何處最相關惟
有出門曳杖看青山 浮生百歲今強半出處非難
辨風雲天上杳無端休驚江頭鳧鷖送飛鸞

賣花聲

猶記別離朝送上河橋垂楊折贈最長條日暮酒闌
人去也淚滿鮫綃 此恨總難消常在眉梢雲山疊

內

六

疊水迢迢寶馬不知何處去欲問天高

前調

深院寶鐙燒猶記元宵海棠花發可憐嬌十二樓臺
春悄悄相伴吹簫 別去不崇朝海闊天遙落花空
恨雨瀟瀟杜宇不知人意苦一樣魂銷

阮郎歸

一川風柳碧盈盈夕陽蟬亂鳴行人過盡水煙生孤
舟自在橫 池草滿岸花榮燕雛學語輕清歌勸醉
玉山傾黃鸝太劇情

望江南 寄王庸之

王孫草依舊過江生夢繞池塘多意緒香靄羅綺最
分明春來欲寄情 紫陽仙一去隔蓬瀛寶扇有心
緘蛺蝶玉書無計託鴈鳴相思鬢雪盈

玉燭新寄劉遠夫

勞勞成白首恨海闊天長佳期難遇秋江蘅芷空相
訊細瑣不堪生壽吹成春暎又一番風動花柳天遠
處枉自思君幾曾聽鶯傾酒 而今記得當年似出
海神龍雲雷奔走文章風節龍泉在光射紫垣星斗
古來萋菲終莫掩高賢才秀請看取島上棲鸞凌霄
還又

謁金門

內

七

春索索落盡小闌花萼不是飛紅太情薄夜來風雨
惡 曉夢驚天寥廓認得九成蓬閣海上靈鸞終可
託有時償夙諾

水調歌頭送方西樵閣老次渭厓韻

幾年黃閣老名重紫微閣早已抽身海濤日近遠長
安洞口閒雲候客林下春花送酒山鳥喜人還逍遙
堪樂壽不必養神丹 見如今強健在景非殘更賴
皇恩浩蕩容易乞身閒只恐蒼生懸望惹得鸞書再
下依舊石牀寒食忙趨北闕懊惱出東山

木蘭花慢寄嚴介翁太宰

念留都官府多清賞比僊遊有杏鴨迎春蓮舟泛月
菊宴觴幽況遇文章山斗陪登眺豪爽興難酬幾向
東園池館聽殘瑤筑清謳 舊來佳興未嘗休
在心頭奈吳苑蒼茫楚天空闊一望悠悠故入想應
清健歎杜陵蓬鬢不禁秋食戀五雲天闕棲棲猶未
回輶

減字木蘭花和桂洲韻

亂紅飛雨碧樹裊窗鶯囀午兀坐長吟誰識幽人世
外心 九華靈卷曾向人閒延訪遍鴻寶天開自

神仙玉檢來

內

六

前調

曉來慵起一闌花困瀟瀟雨悶啟層軒無數西山青
到門 朝衫漫裹白髮催人年已大莫強繁心未附
雲龍可作霖

沁園春贈唐飛霞

矯矯羽人超出世緣久子慕哉奈三千弱水渺無邊
際尋常魂夢迴隔風雷豈料塵途至人懷寶天遣相
逢分若該默地裏把靈書暗授不隔形骸 古來幾
許奇才都付與昆明萬劫灰想勢骸豪華終身迷性

靈娥素女無處憑媒擾擾人閒雲煙富貴盡作蜉蝣
日暮迴有誰能與飛霞道者握手蓬萊

內臺詞

內

尤

廷相字子衡儀封人宏治進士選翰林院庶吉士授
兵科給事中因事件中官劉瑾廖鏜遂爾屢黜屢起
嘉靖中以右副都御史巡撫四川討平茫部賊沙保
累遷至左都御史廷相博學好議論以經術著稱卒
諡肅敏明史自有傳其所著內臺集附詞至富爲別
行之乙亥人日高梧軒書

內

羊

穀庵詞

惜陰堂叢書

嘉興姚綬公綬

蘇武慢追和虞道園八首

七里灘聲五湖月色世上浮名莫釣走馬鬪雞臂鷹
牽狗此樂任宅年少玉燭春臺金蓮夜第誰箇調元
草詔總不如趁此清時簑笠遊歸江表無縈繫水
北原南雲邊塵外不管春來花鳥萬籟都空一壺獨
在高興遠凌天杪形骸放浪縱跡逍遙似此有何不
了勸同袍迴策休遲今夕又催明曉

前調

穀

較短論長昨非今是由我平生用拙澹泊家風清閒
田地老我時常憩歇塵土無干煙霞有分贏得襟懷
瑩徹任于江萬壑爭流同浸太虛明月回首處三
國英雄六朝佳麗在在久消瓦裂雨散雲行鳥飛兔
走何地暫時宮闕幸際清朝喜聞至道許我方蓬上
謁趁天風跨鶴凌空獨和陽春白雪

前調

落落孤懷蕭蕭雙鬢長歎仰瞻天宇幽壑蛟騰孤舟
婦泣何處簫聲絳綫逸少黃庭葛洪丹井歷幾驚曉
燕語羨東坡勘破虛名願作魚鰕之侶最好是無

紅

吏催租無人問字老大不知官府插槿編籬牽蘿補
屋卻與閒雲同住冠蓋重新江山依舊更有月同今
古是何人夜半敲門來話梧枝秋雨

前調

楚尾吳頭江脣浦口秋水連天一碧高下颿檣往來
舟楫擾擾東西南北利桡蠅頭名沽蝸角誰躡清都
雙鳥等閒過昨日今朝彈指又成噓昔休抵死行
役忘歸相逢不飲儘把浮生當實東嶠松花西田秫
米釀就玉釵雲液芝長丹田鳥飛桂窟問甚鶴胎龜
息掩柴門無是非睡足三竿朝日

穀

前調

畫靜垂簾身閒養性不問雕闌日轉紅雨飛花綠陰
唬鳥又是一年春晚物外希夷規中往復吾道可舒
可卷笑天生我何如今何地偏心遠初不知蟻
穴紛紛蜂衙故故蝶在夢中來見有時縱步無事勞
神撫玩倚天長劍白鶴傳書青鸞報信金母瑤池開
宴趁天風穩上星槎看到黃河清淺

前調

蕩滌塵凡擴充玄覽此是誰家標格山長太古水只
朝宗不涉尋常聲色葦羽爲衣煮芹作飯天地中間